

Visoki predstavnik zadovoljan implementacijom Odluke o Žepču

Visoki predstavnik, Wolfgang Petritsch, je danas u prisustvu guvernera Zeničko-dobojskog kantona, gospodina Mugdima Hercega, predsjedavajućeg Prelaznog odbora Žepča, gospodina Nedžada Hodžića, i zamjenika predsjedavajućeg, gospodina Ivice Ramljaka, izrazio svoje zadovoljstvo rezultatima implementacije Odluke o Žepču. Proces integriranja općine Žepče u političke i upravne strukture Zeničko-dobojskog kantona je u velikoj mjeri završen te su sve odredbe Odluke Visokog predstavnika o Žepču od 6. oktobra 2000. godine sada na snazi. Nakon niza godina tokom kojih je pravni status ove općine bio neriješen a u općini postojale nezakonite paralelne strukture, konačno je prevaziđena jedna od posljedica rata i postignut je konsenzus koji je u interesu svih građana Žepča i okolnih općina.

Visoki predstavnik je izjavio da su ispunjeni uslovi, precizirani njegovom Odlukom od 6. oktobra 2000. godine, za prevazilaženje zastoja u ovom području. Ovi uslovi obuhvataju:

1. integraciju dvije paralelne administracije u općini Žepče
 - raspuštanje općinskih institucija nezakonitih struktura "Herceg-Bosne" i njihova integracija u pravni sistem Zeničko-dobojskog kantona
 - promjenu granica kako bi se uzeli u obzir interesi Hrvata koji žive u područjima koja graniče sa općinom Žepče.

Visoki predstavnik je u potpunosti svjestan činjenice da je nekoliko sela koja se nalaze na granici općine Žepče zatražilo daljnje izmjene granica, ali je jasno rekao da je za vršenje takvih izmjena potrebno postići potpuni konsenzus i dobiti lokalnu podršku. Do sada nije primljen takav prijedlog koji ima podršku svih. Međutim, Visoki predstavnik napominje da su mu organi vlasti Zeničko-dobojskog kantona i guverner, gospodin Herceg, pružili uvjerenja da će rješavati konkretna pitanja u vezi sa zdravstvenom zaštitom, obrazovanjem i bezbjednošću svih građana. Visoki predstavnik će pažljivo pratiti dalji razvoj situacije u području Žepča.

Visoki predstavnik se zahvalio guverneru Zeničko-dobojskog kantona, članovima Prelaznog odbora, supervisoru Richard Williamsu i svim članovima Međunarodnog vijeća za procjenu na naporima koje su poduzeli u cilju uspješne implementacije Odluke o Žepču. Visoki predstavnik je izrazio svoje zadovoljstvo načinom na koji je ovaj proces proveden čak i izvan okvira postavljenog zahtjevima koji su definirani njegovom Odlukom. Stopa povratka u općinu Žepče je najveća u Federaciji, a proces povratka u sam grad je u velikoj mjeri okončan. Općini je pružena znatna pomoć koja je doprinijela provođenju aktivnosti procesu povratka i ostvarivanju većeg broja projekata rekonstrukcije, te otvaranju velikog broja srednjih i malih preduzeća u ovom području.

Visoki predstavnik je izrazio svoju podršku održavanju prijevremenih izbora u općini Žepče. Pošto je sada uspostavljen i okvir za održavanje ovih izbora: s obzirom da je usvojen Izborni zakon BiH, Izborna komisija, zajedno sa Izbornom komisijom općine Žepče, treba odlučiti o tome kada i kako organizirati izbore u Žepču.

Visoki predstavnik je imenovao gospodina Alexander Rotherta iz Njemačke, koji ima bogato iskustvo u BiH, na funkciju supervizora za Žepče na kojoj će zamijeniti gospodina Richarda Williamsa. Supervizor će nadgledati provedbu zadataka kojim se osigurava suživot stanovnika Žepča kao i prava svih građana

ove Op?ine.